

ELORRIO. Datorren astean amaitzen da lanpostuaren kontratua

Lan taldean sartzea ukatu deusie euskera teknikariari

Aurrekontuen barruan landu behar da, El eta EAJ-Earen ustean, Udaleko lan taldearen aldaketea

Aitziber Basauri

Euskera teknikariaren lanpostua kolokan geratu da Elorrioko Udalean. Udaleko lan taldean sartu daien Gobernu Taldeak egindako proposamenak PSE-EEren babesa baino ez dau izan, azken udalbatzarrean. Horregaz batera, informatika teknikariaren lanpostua eta Elektrikari ofizialarena be bai. Halandabe, Elk eta EAJ-EA Udaleko lan taldea aldaketok sartzearen aurka bozkatu dabe.

Elren ustean, lanpostuok Udaleko lan-taldean sartzea udal aurrekontuakaz batera eztabaidatu beharreko gaia da. «Aurrekontu eztabaidea ganera datorkigu; ez dogu uste asko atzeratuko danik: beraz, biok batera lantzea joten dogu arra-

zoizkotzat», azaldu dau Susana Ruperezek Elko zinegotziak.

EAJ-EAren eritxiz be, aurrekontuen barruan jorratu beharreko gaia da lanpostuona. Era berean, Udaleko lan taldearen ikerketea amaitu barik dagoela azaldu dau. «Beraz, ez deritxogu egoki aldaketa hori egiteari, lanpostuen betebeharrak zehaztu barik dagozan une honetan». Euskera teknikariaren lanpostuaren alde dagozala nabarmendu dau EAJk. «Dana dala, erakundeen aldetik lanpostu horrek dituan laguntzak kontuan hartuta, ez dogu uste Udalaren ganean geratu behariko litzakenik». Jeltzaleak kontratua luzatzea proposatu dabe.

Urtenbide bat topau beharrean

Datorren astean amaitzen da euskera teknikariaren lanpostuaren kontratua; Udaleko Euskera Erabilerearen Plangintzearen 1go fasea diseinatzekeo sortu zan. Behar hori amaitzean kontratua bukatutzat emon behar dala argitu dau idazkariak. Halandabe, ez dala luzatzeko aukerarik. Bestelako urtenbide bat topau beharrean izan beharko dira, orain, udal alderdiak; eta

halantxe egiteko akordua lortu dabe.

EHko zinegotzi Julen Altubek gaia hainbatean eztabaidatu dala eta Udaleko Euskera Kontseilua eratzean hartutako konpromiso bat dala gogoratu dau. «Kontratua amaitzeaz dago, epeak hor dagoz, eta ez dogu kapritxo orain aurkeztu, aurrekontu eztabaidea bertan egon arren». EAJ-EAren jarrearak «harritu» dau Gobernu Taldea: «Aldi baterako kontratua egitea jo genduan egokitza. Gero perfila zehaztu, eta behin betiko lanpostu sortzeko bete beharreko tramitegaz hastea onartu zan. Euskera eta Hezkuntza batzordean be onartu zan; eta EAJ-EA ados egoan. Are gehiago, hasikeratik kontratua behin betikoa izatearen alde egoan», dino Altubek.

Bestetik, dirulaguntzak Euskera Teknikaria lanpostuaren inguruan sortutako dinamikea aurrera eroteke be badirala gogoratu dau Altubek. Ganera, gehiago jasoteko euskera teknikariaren lanpostua egonkortuta egon behar dala ganeratu dau; «horretarako behar asko egin behar dogu oraindino».

DURANGO. Aldarria 13:30ean egingo dabe

Euskereak jasotako tratua salatuko dau, gaur, Ezkurdin, Durangoko EHEk

A.B.

Durangoko Euskal Herrian Euskaraz taldeak «Durangoko Auzitegian eta, orokorrean, justizia sisteman euskerak jasandako tratua» salatuko dau, Ezkurdin plazan, 13:30ean. EHEren ustean, Durangoko Epaitegian euskerea ez da hizkuntza ofiziala. «Bertan euskerearen itxurazko ofizialtasuna dogu; eta, teorikoki geure eskubidea dana, egunero urratzen da». Hori dala-eta enkarteladea egingo dabe, «euskeraz jarduteko aukerea aldarrikatu eta exigiduteko».

EHEren esanetan epaitegietan euskerea «arrotza»

da. Idazpen, ohar tarazpen eta gutun guztiak erdaraz bidaltzen dirala nabarmendu dabe. Era berean, «berton aurkeztu eta euskeraz erantzungo dauen funtzionarioik aurkitzea ia ezinezko da; eta euskeraz bidalitako idazkiak hilebeteko atzerapenak izaten dabez, itzultzerak bidaltzen dabez-eta».

EAEn, administrazioagaz izandako harremanetan herritarrek gura dauzan hizkuntza erabiltzeko eskubidea daukala dino EHEk. «Beraz, administrazioak hizkuntza horretan erantzuteko eta jarduteko betebeharrak dauka. Egoerea, halandabe, besteakoa da».

‘Okupazinoaren kulturea bultzatuz’ leloagaz, ekitaldi ugari eratu dauz Sapuetxek

A.B.

Durangoko Euskal Liburu eta Disko Azoka egiten dan egunotarako, Gaztetxeak, ekitaldi ugari eratu dauz, *Okupazinoaren kulturea bultzatuz* lelopean. Aurten, lehenengoz, truke azokea be eratu dabe. Gura dauen edonork edozelango gaiak trukatzeko aukerea izango dau bertan: arropak, jakiak, musikea... Gaur izango da zabalik, 11:00etatik 14:00etara.

Horrezaz ganera, bestelako ekintzak be eratu dabez. Danek, Sapuetxe izango dabe agertoki. Azoka alternatiboa izango da gaur hasi eta zapatara artean, goiz eta arratsalde. Bertan, Pozoin Banaketak (Laudio), Eguzki Banaketak (Iruña), eta Potencial HxC (Madrid) banatzaileak eta Zirikatu Kolektiboak (Durango) jarriko dabe postua. Era berean, AHTren aurkako plataformeak, KEM-MOC kolektiboak eta Sclerosis eta MPB taldeak.

Berbaldiek, kontzertuek

eta antzerkiak osotuko dabe egitarua. Autore eta Editoreen Alkarte Orokorra (SGAE) ardatz dala, *Zer da? Zelan eragiten dusku?* berbaldia izango da, gaur, 19:00etan. Bihar, barriz, *Mujeres Preocupando* aldizkariaren 4. alea aurkeztuko dabe, 18:00etan; eta 20:00etan, Sekula santan (Alonsotegi) eta, zehaztu barik dagoen talde batek kontzertua eskainiko dabe.

Likiniano Alkarteak eta Donostialdeko Okupazio Batzarrak kaleratutako *Especulacion, Vivienda & Okupazioak* liburuaren aurkeztuko dabe, zapatuan 17:00etan —ostean, eztabaida irekia egongo da—. Gauean, barriz, DDT-Banaketak eratuta kontzertua izango da. Sclerosis (Iurreta), Pateando Porqueria (Bilbo), Cave Canem (Basauri) eta Karkaba / Azpetia taldeek, euren disko barria aurkeztuko dabe, 20:00etan. Domekan, *Inperfektua izan nahi dut* antzezlan taularatuko dau Doike antzerki taldeak, 18:00etan.

ABADIÑO. Beste hainbat zerbitzu batuko dauzan Mediatekea egokitu gura da



AITZIBER BASAURI

Zeletabe Jauregian dago, dagoeneko, udal liburutegia

Orain dala hilabetetik udal liburutegia beste leku baten dago: Zeletabe Jauregian. Bertan mediatekea egokitu gura dau Abadiñoko Udalak, hori dala eta, epe laburrean, liburutegiaz ganera, beste hainbat zerbitzu eskaini gura dabez, Jabier Uriarte alkateak azaldu dauenez. Momentuan, lehen solairuan dago liburutegia. Halandabe, 2. solairura

igarotea dabe asmoa. Lehenengo solairuan, umeendako liburutegia, horreendako ekitaldiak eratzeko erabilera askoko gelea eta hemerotekea geratuko litzatekez. Ordenagailu gelea, fonotekea, eta ikasteko gelak egokitu gura dabez —bata, taldeka ikasteko— 3. solairuan. Mediatekea eratzeko 100 milioitik gora erabiliko dabez.

AGENDEA

DURANGO

Musikea: Kultur Erroteak eratutako Udagoieneko Osteraren eskutik Txema Murugarren saioa izango da, San Agustín Kultur Gunean 21:30ean. *Hegazkinen Arima*, bakarkako bigarren lan barria

aurkeztuko dau Sasioi Ilunak taldeko buru izandakoak.

ZORNOTZA

Erakusketea: *basteka 01* pintura eta eskultura erakusketea, Zornotza Aretoan. Agirre, Collet, Ferreño, Garay eta Tojaren lanak eralutsiko dabez bertan.